

gut für das freiffam / vnd außwendig mit Tüchern  
der Hänffenwerck übergelegt / ist gut für alle vnnatür-  
liche Sitz / wa die am Leib ist.

An Händ vnd Füß gestrichen / ist gut denen die von  
langwürriger Kranckheit wegen fast Ohnmächtig vnd  
Krafftloß seind / Auch getruncken vnd geschmiert an  
die Stirn / ist gut für Schwindel vnd Schwanden  
des Ganges / vnd in die Augen gethan / ist gut für ihre  
Bresten.

### Peonien Rosen.

**S** Kind einer mittelmässigen Wärme / subtiler  
Substanz vnd truckner Art.

Die Wurzel von Peonien Rosen gedörret /  
gestossen / vnd einer Mandel groß mit Wein

eingetrunkē /  
reiniget die  
Weiber nach  
der Geburt /  
wehret der  
Gelbsucht /  
lindert den  
schmerzē der  
Nieren vnd  
Blasen / nimt  
met auch die  
verstopffung  
der Leber vñ  
Nieren / daz  
gegen stopfft  
sie auch den  
Stulgang / so  
man sie mit  
Wein nützt.  
Das Wasser  
von diser Ro-  
sen



## Von allerhand Arzney/

Ten vnd Wurtzel gebrandt/stercket das Hertz.

Zehen oder zwölff rother Körner / in rothem sauren Wein gesotten vnd getruncken/stillet den übrigen Weiberfluß.

Die Körner den Kindern im Essen vnd trincken eingeben/ wehret daß ihnen kein Stein wachset.

Peonien Körner eines Quintlins schwer zerstoßen/ vnd mit Wein eingeben/ wehret vnd hindertreibt das Mutterwehe der Weiber.

Peonienkörner den jungen Kindern angehenck/ist nutz vnd gut wider die Fallendessucht.

Das Kraut in die Kindswiegen gelegt/bewahrt sie für schrecken/so ihnen in der Nacht bekommen.

## Natterwurz.

Groß Natterwurz/ Klein Natterwurz.

**D**ie große Natterwurz hat krauß Blätter/ aber die kleine ist genant Aron / vnd hat schlechte Blätter. Die grössere hat ein Wurtzel außwendig schwarz/ vnd inwendig weiß/ vnd die beyde Wurtzeln haben flecken wie die Schlangen. Die beste zeit die Wurtzel zu graben/ ist der Mey/ vnd die grössere ist heisser von Natur / denn die kleine / seind beyde von Natur durchringend vnd subtil / machen grobe Feuchtung.

Getruncken ab der Wurtzel/ stärcket die Natur des Menschen / gepulvert / ist gut den Reichenden/ säfftiget die Lung / nimpt den Husten/ aber in Wasser gesotten / reiniget die Auffszige Haut / darmit gewaschen.

Die Wurtzel gepulvert/ vnd mit Tyriack's vnd Endiuienwasser getruncken/ ist gut für die Pestilenz.

Gekocht in Honig vnd aufgelegt/ vertreibet das Reichen/ Bruch/ Gegicht/ Husten vnd Fluß so vom Haupt herab fallen.